



**Broj: 07-11-345/23**

**Datum: 21.03.2023. godine**

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, usluga i radova, Općinski načelnik d o n o s i

### **O D L U K U** **o izboru najpovoljnijeg ponuđača**

#### **I**

Za najpovoljnijeg ponuđača za javnu nabavku usluga: „Izrada projekta postavljanja posebnih objekata na cesti radi smanjenja brzine kretanja vozila na dijelu lokalnih cesta na području općine Vogošća“, po provedenom otvorenom postupku javne nabavke izabran je sljedeći ponuđač:

**NTSI-INSTITUT d.o.o. Sarajevo**  
**sa ukupnom cijenom od 4.500,00 KM**

(slovima: četirihiljadepetstotina konvertibilnihmaraka) bez uračunatog PDV-a, odnosno 5.265,00 KM (slovima: pethiljadadvijestotinešezdesetpet konvertibilnihmaraka) sa uračunatim PDV-om

#### **II**

Za izvršenje ove Odluke zadužuje se Služba za komunalne poslove Općine Vogošća.

#### **III**

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

#### **IV**

Odluka o izboru najpovoljnijeg ponuđača objavit će se na web stranici [www.vogosca.ba](http://www.vogosca.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

### **O b r a z l o ž e n j e**

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 07-11-345/23 od 27.02.2023. godine.

Procijenjena vrijednost javne nabavke bez uračunatog PDV-a je: 8.500,00 KM (slovima: osamhiljadepetstotina konvertibilnihmaraka).

Obavještenje o javnoj nabavci broj: 1353-1-2-23-3-52/23 od 27.02.2023. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-364/23 od 28.02.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da su dana 20.03.2023. godine, pristigle ponude slijedećih ponuđača:

Redni broj	Naziv i sjedište ponuđača
1.	Institut za saobraćaj i komunikacije d.o.o. Sarajevo
2.	HKP Consulting d.o.o. Banja Luka
3.	NTSI-INSTITUT d.o.o. Sarajevo
4.	Institut za građevinarstvo „IG“ d.o.o. Banja Luka
5.	Smajić-Inženjering d.o.o. Goražde

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 20.03.2023. godine u 16<sup>30</sup> sati, radi pregleda i ocjene prispjelih ponuda, te je konstatovala slijedeće:

#### a) Prihvatljive ponude

Ponude ponuđača: Institut za saobraćaj i komunikacije d.o.o. Sarajevo, HKP Consulting d.o.o. Banja Luka, NTSI-INSTITUT d.o.o. Sarajevo i Institut za građevinarstvo „IG“ d.o.o. Banja Luka su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtjevane u tenderskoj dokumentaciji.

#### b) Nepravilna ponuda i obrazloženje

Nepravilna je ponuda ponuđača Smajić-Inženjering d.o.o. Goražde jer iz dostavljene potvrde o uspješnoj realizaciji ugovora sa Referenc liste, broj: 04/4-11-1209/20 od 07.07.2020. godine, nije vidljivo da se ista odnosila na pružanje usluge izrade saobraćajnih projekata, a kako je zahtijevano tačkom 7.4.1. tenderskog dokumenta kojim je propisano kako slijedi:

„a) uspješno iskustvo u realizaciji najmanje 1 (jednog) ili više ugovora u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, a koji se odnosio na pružanje usluge izrade saobraćajnih projekata u visini od minimalno 8.000,00 KM bez uračunatog PDV-a ili više pojedinačnih ugovora u ukupnom zbiru od minimalno 8.000,00 KM bez uračunatog PDV-a.

U svrhu dokazivanja ispunjenosti uslova iz tačke a) ponuđači su dužni dostaviti sljedeće:

DOKAZ ZA a1): Spisak uspješno realizovanih ugovora - Dokument 2.

DOKAZ ZA a2): Minimalno 1 (jedna) ili više potvrda o uspješnoj realizaciji ugovora - Dokument 3.

NAPOMENA:

U potvrdi/ma mora biti jasno iskazano da se uspješno realizovani ugovor/i odnosio/li na pružanje usluge izrade saobraćajnih projekata, u visini od minimalno 8.000,00 KM bez uračunatog PDV-a ili više pojedinačnih potvrda u ukupnom zbiru od minimalno 8.000,00 KM bez uračunatog PDV-a, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna.“

U skladu sa naprijed navedenim ponuda ponuđača Smajić-Inženjering d.o.o. Goražde, se kao takva nije mogla uzeti u dalje razmatranje.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	NTSI-INSTITUT d.o.o. Sarajevo	4.500,00	/	4.500,00
2.	HKP Consulting d.o.o. Banja Luka	6.150,00	/	6.150,00
3.	Institut za saobraćaj I komunikacije d.o.o. Sarajevo	6.500,00	/	6.500,00
4.	Institut za građevinarstvo „IG“ d.o.o. Banja Luka	6.800,00	/	6.800,00

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača NTSI-INSTITUT d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 4.500,00 KM (slovima: četirihiljadepetstotina konvertibilnihmaraka) bez uračunatog PDV-a, odnosno 5.265,00 KM (slovima: pethiljadadvijestotinešezdesetpet konvertibilnihmaraka) sa uračunatim PDV-om, te da se ponuđaču NTSI-INSTITUT d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.



Izradila: Jasna Salihović

Kontrolisala: Melisa Kršo

#### **DOSTAVITI:**

- Institut za saobraćaj i komunikacije d.o.o. Sarajevo
- HKP Consulting d.o.o. Banja Luka
- NTSI-INSTITUT d.o.o. Sarajevo
- Institut za građevinarstvo „IG“ d.o.o. Banja Luka
- Smajić-Inženjering d.o.o. Goražde
- Nadležnoj Službi
- a/a